

## Rundskriv

---

Kommunar og fylkeskommunar

Nr.	Vår ref	Dato
V-0994 N	16/2665	15.06.2016

### **Orientering om tilskot til anlegg for idrett og fysisk aktivitet til fordeling i 2017**

Orienteringa gjeld tilskot av spelemidlar til

- ordinære anlegg for idrett og fysisk aktivitet
- nærmiljøanlegg
- løypetiltak i fjellet og overnattingshytter i fjellet, ved kysten og i låglandet

Ein kan søke om tilskot til bygging og/eller rehabilitering av idrettsanlegg som er opne for allmenn idrettsleg verksemd (idrett og fysisk aktivitet for alle).

Alle føresegner om tilskot av spelemidlane til anlegg for idrett og fysisk aktivitet i 2016 er tekne med i

*Bestemmelser om tilskudd til anlegg for idrett og fysisk aktivitet – 2016 (V-0732 B) og Føresegner om tilskot til anlegg for idrett og fysisk aktivitet – 2016 (V-0732 N).*

Føresegnene og anna informasjonsmateriell kan hentast på departementet sin nettstad <http://www.idrettsanlegg.no>.

Offentlege etatar/verksemdar kan tinga publikasjonane frå Departementenes sikkerhets- og serviceorganisasjon, e-post publikasjonsbestilling@dss.dep.no eller på [www.publikasjoner.dep.no](http://www.publikasjoner.dep.no).

For løypetiltak og overnattingshytter i fjellet kan ein få informasjon ved å kontakte Den Norske Turistforening (DNT), e-post [info@turistforeningen.no](mailto:info@turistforeningen.no).

For overnattingshytter ved kysten og i låglandet kan ein få informasjon ved å kontakte Friluftsrådenes Landsforbund (FL), e-post [friluft@online.no](mailto:friluft@online.no), Norsk Friluftsliv, e-post [post@norskfriluftsliv.no](mailto:post@norskfriluftsliv.no) eller DNT.

### **Søknadsprosedyre og fristar**

Ein sender inn søknader elektronisk via nettstaden [www.idrettsanlegg.no](http://www.idrettsanlegg.no). Søknaden vert automatisk sendt til mottakar, som er den kommunen der anlegget skal ligge når det gjeld anlegg for idrett og fysisk aktivitet, inkludert nærmiljøanlegg, og DNT når det gjeld løypetiltak i fjellet og overnattingshytter.

For søknadsprosedyre og generell informasjon om spelemidlar til

- ordinære anlegg for idrett og fysisk aktivitet og til nærmiljøanlegg, sjå V-0732 pkt. 1.3, samt kap. 2 og 3.
- løypetiltak i fjellet og overnattingshytter, sjå V-0732 kap 4.

For krav knytta til fornøya eller gjenteken søknad, sjå V-0732 pkt. 2.2.9.

### **Krav til søkar**

For oversikt over kven som kan søke spelemidlar og krav til søkarane, sjå V-0732 pkt. 2.2.1 for ordinære anlegg, pkt. 3.3.1 for nærmiljøanlegg og pkt. 4.2 for løypetiltak i fjellet og overnattingshytter.

### **Kommunal plan**

Anlegg, som ein søker tilskot til, skal inngå i ein vedteken kommunal plan som omfattar idrett og fysisk aktivitet. Dette er ikkje eit vilkår for løypetiltak i fjellet og overnattingshytter.

### **Idrettsfunksjonell førehandsgodkjenning av planar – ordinære anlegg og nærmiljøanlegg**

Planar ein søker om tilskot til, må ha vore gjennom ei vurdering og vorte gitt ei idrettsfunksjonell førehandsgodkjenning for å sikre at anlegget tek omsyn til idrettslege behov og gode idrettsfunksjonelle løysingar. Idrettsfunksjonell førehandsgodkjenning vert gitt av den departementet gir myndigheit til, i dei fleste tilfelle kommunen, eller av departementet.

Idrettsfunksjonell førehandsgodkjenning må ligge føre før ein set i gang med byggearbeida. Sjå V-0732 pkt. 2.5.

### **Krav til drifta av anlegget**

For krav til drift av og disposisjon over anlegget, sjå V-0732 pkt. 2.3, 3.2 og 4.9.

### **Kostnadskrevjande anlegg – plan for finansiering og drift av anlegget**

Departementet gjer merksam på at ein stiller særskilte krav dersom andre enn kommunar og fylkeskommunar står som søkar på anlegg med store kostnader (investerings- og driftsmessig), jf. V-0732 pkt. 2.2.3 og 2.2.4.

### **Tilskotsbeløp**

Departementet syner til V-0732 pkt 2.6, 3.4 og 4.5 for informasjon om moglege tilskotsbeløp.

### **Rehabilitering av idrettsanlegg**

For informasjon om tilskot til rehabilitering av anlegg, sjå V-0732 pkt 2.4. Ein finn òg nærare informasjon i V-0977B *Rehabilitering/ombygging av eldre idrettsanlegg*.

### **Rekneskapsplikt**

Anleggseigar pliktar å føre rekneskap i tråd med dei retningslinjene som er fastsette av departementet, jf. V-0732 kap. 5.

## **Idrettsanleggsregisteret - årleg oppdatering**

Oppdatering av idrettsanleggsregisteret [www.idrettsanlegg.no](http://www.idrettsanlegg.no) vil vere ein føresetnad for at kommunar skal ha rett til å søke om spelemidlar komande år.

## **Nettportalen *Gode Idrettsanlegg***

Senter for idrettsanlegg og teknologi (SIAT) ved NTNU i Trondheim har med tilskot frå Kulturdepartementet utvikla ei webløysing som inneheld informasjon om ulike anleggstypar, forbildeanlegg, planløysingar og andre aktuelle forhold. Det finst også rettleiing og støttefunksjonar for prosjektering og prosjektgjennomføring. Nettstaden har adresse [www.godeidrettsanlegg.no](http://www.godeidrettsanlegg.no) og er open for alle.

Med helsing

Per Kristian Aasmundstad (e.f.)  
avdelingsdirektør

Ole Fredriksen  
avdelingsdirektør

*Dette dokumentet er godkjent elektronisk og er difor utan handskriven signatur.*

Kopi:

Den Norske Turistforening

Det Frivillige Skyttervesen

Friluftsrådernes Landsforbund

Norges Bilsportforbund

Norges Fjellstyresamband

Norges idrettsforbund og olympiske og paralympiske komité

Norges Jeger- og Fiskerforbund

Norsk Friluftsliv

Norsk Kennel Klub

Oslofjordens Friluftsråd

Samenes idrettsforbund-Norge/Sámiid Valáštallan Lihttu-Norga

Samisk Reinkappkjørerforbund/Sámi Heargevuodjin-lihttu